

P.o.germ.

412

b-1

1. germ. 412 $\frac{v}{1}$

Gensbauer

Gedichte

in

Nürnberg er Mundart

von

Joh. Christ. Gauszbauer.


Erstes Heft.

Erstes Werk.

Nürnberg,

1864.

Druck der Mäsch'schen Officin.



Aller Anfang ist schwer.

Aller Dhsfang der is schwer,
Viel schwerer als as End,
Und wenn's a Klanigkeit ner wär',
Z'moal wemmers nit recht kennt;
Doch wemmer haut wos Gouts in Sinn
Und fast an fest'n Mouth,
Nau liegt der göttli Sögg'n scho drinn,
Su daß an glück'n theut.

Die appetitliche Mahlzeit.

Dau neulich hauts a Gspäßla göb'n,
Ih selber woar derbei;
Ih hob's doch in mein Löß'n nit g'sög'n,
Dös woar a Meuterei!

Dau kummt die Gaß a Hund dauher
Su mit an Brod'n Fleisch;
A fetter Schlamp'n woar's ung'sähr,
Der Hund macht a Gefreisch.

Der Hund, der kummt vun Metzger raus,
Wou er dös Fleisch haut g'schtohl'n,
Und macht sih ah dau goar nir draus,
Daß dös die Hünd nit soll'n.

Der Hund, der läßt sih's schmed'n gout
Und schmagt und kiest und frist,
Wal's goar su gout und fett sei thout;
Dös wenn der Metzger wüßt!

A Frau, döi haut dös Ding su g'sög'n,
Haut denkt: „Dös Ding wär schöi,
Hät ih dös ner z'Mittog meintwög'n,
Dau lohnet sih's der Möih.“

Der Hund, der haut sih nir vermouht
Und frist in gouter Rouh;
Döi Alta haut ihr'n Ploan g'macht gout,
Lößt af'n Hund gleich zou.

Sie langt glei hih und is nit faul
 Und raubt in Hund sein Schmaus;
 Sie reißt'n's mit G'walt ass'n Maul,
 Und endlih bringt sich's raus.

Und öiße reit's in's Haus glei nei,
 Und denkt: „Dös Ding woar schöi,
 Dös git a g'scheidta Fresserei,
 A rechta fetta Bröih.“

Der Hund haut's doch in Dröck rumzug'n
 Und öiße focht's gear dōi Frau,
 Und haut damit die Leut betrug'n —
 Dōi Dunnerwetterjau!

Zhr Weisbild, dōi zong'schprunga haut,
 Haut grod an den Tog g'fögt,
 Und wal's run dau nix wiß'n thout,
 Eu haut si's werkli g'mögt.

Die Frau, dōi richt as Eß'n gout,
 Und z'Mittog für die Möih
 Dau fröigt as Weisbild an Lab Braud,
 As Fleisch mit zamm't der Bröih.

As Weisbild haut a jeh'n Freud,
 Denkt: „Dös bekummt mer g'sund;
 Mei Frau haut sich verreck'nt heut,
 Dös is jo a ganz Pjund!“

Ein gelindes Abwaschwasser.

A nit goar junger Schustersg'sell,
 A gouter dummer Elier,

A Simpl ah an Leib und Seel,
A TrAMPL für und für,

Der wöschd sich an an Sunnta Fröh
In seiner Wertstatt oh;
Er macht sich dau goar nit viel Möih,
Wou Wasser er hob'n koh.

As frische Wasser wear na z'falt,
Er soucht noach warma rum,
Als wär er hundert Zauher alt —
Wos thout der Dohs, der dumm?

A Hof'n stäiht aj'n Uf'n drob'n,
Der wear mit Fleischbröih g'füllt;
Bun dau mouß er a Wasser hob'n,
Daß er sei Mauthdurst stillt.

Der Simpl, der is goar nit faul
Und schütt't sich vull sei Beck,
Er reibt sich oh als wöi a Gaul,
Bis daß der Dröck wear weck.

Dös Handtuch, dös wear rutshet g'west
Bun dera Bröih ihr'n Fett;
Die ober Bröih dös is die best,
Drum wear er wundernett.

Sei Master is a alter Moh,
Ißt Fleischbröihsupp'n gärn,
Er nehmt a Fleisch su gout er koh,
Daß jau recht gout theut wär'n.

Er haut sie en den Sunnta g'freut
 Als wöi a Narr scho draß,
 Allah der Dchs, der ganz ung'scheidt,
 Der wöschet sih wöi a Aff.

Z'Mittog bau haut's Spetackl göb'n
 Bun den Herschauer Stüß;
 A su wos thout mer nit leicht sög'n,
 No su wos häit ih diß!

Deiß gib ih Jedermann den Rauth:
 „Wenn ihr habt dur mi Leut,
 Verwoahrt euch vur döi Dchs'n gout,
 Sunst seid ihr ah nit g'scheidt!“

Des Schusters Folter.

A Schuster därf ka Gall nit hob'n,
 Dös wär vun Räith'n scho;
 Es waß der Gott in Himm'l drob'n,
 Wöi den die Leut kröig'n dro.

Zun Aarbet'n wärd scho ohg'sangt
 In Montog in der Fröih,
 Und für sei Plaug wärd ihn nit dankt,
 Er haut nix für sei Wöih.

Er ist sih an Podack'n satt
 Und häichst'ns an sein Braud,
 A Strauhbett is sei Liegerstadt —
 No, haut's a Schuster gout?

Deiz wenn sei Aerbet ferti is
 Rauch Mudi und nauch Tracht,
 Rau wiss'n die Leut scho wos g'wisß,
 Dös is nit richti g'macht.

Der Ah bringt feini Stiefel her
 Und sagt: „Döi sönn mer z'flah,
 Dau trapp ih drin als wöi a Bär
 Und dünni Suh'l'n hob'ns ah.“

Deiz kummt a Frau mit ihri Schouh
 Und sagt: „Sie senn z'leicht g'macht,
 Und doch a Bißla schwer derzou,
 Und hob's doch Ihnen g'sagt.“

A Bürodöiner kummt und sagt:
 „Dau schlog der Dunner nei,
 Mei Stiefel döi senn doch eirscht g'macht
 Und lößt scho Wasser nei.“

Deiz thönne's mer's ner nöha fest,
 Af d'Woch'n bring ih's her;
 Und ih zöig Ihnen oh den Rest —
 Dös is mer a Malähr!“

Wal af'm Schouster werd rum g'riet'n,
 Su söllt's in G'hell'n goar si
 Und is dau mit sein Louh nit z'fried'n,
 Er will halt Alles glei.

An Furer senn sei Stiefel z'eng;
 A Knider zohlt an Zwölfer z'weng,
 An Weisbild senn die Schouh viel z'weit,
 An Boub'n senn feini a nit g'scheidt.

Und alli Dunnerwetterleut
 Döi plaug'n in Schouster wöi nit g'scheidt.
 Der Guckuck treib die Schousterei,
 Döi Ohstalt zu der Folterei!

Lied der Blaumontägler.

Dach, ih bin su derschti,
 Hob su gear weng Meuth!
 Dach wöi dünn is Wasser,
 Und as Böir su gout!

„Master, heunt is Mönta,
 Bou mer lusti lebt,
 Bou mer ner nauch Fried'n
 Und nauch Silber strebt.

Gestern wear's gout Sunnta,
 Und zu Ehr und Ruhm
 Hob ih tüchti g'suff'n,
 Mir in Kupf ganz dumm.

Heunt is treib in Schödl,
 Der wos Broavs ner denkt;
 Zhou na ih erhy'n,
 Wär ih jo nit g'henkt.

Ober halt der Vent'l,
 Der is däre und läär;
 Mir wär's leicht um's Herz'n,
 Wenn wos brinna wär.

Master der Finanz'n,
 Heb'ns an gout'n Mouth,
 Geb'n Sie uns broav Bag'n,
 Senn mer Ihnen gout!

Senn mer denn nit G'hülf'n,
 Frei in jeder Dart?
 Thönn'es, wos mer wünsch'n,
 Is der Zurn dertsपोर्ट.

Lange's in die Tasch'n,
 Sunst hät ih die Bröih;
 Kröig'n mer nix, nau gäng mer,
 Laun die Arbeit stöih."

„Frei und lusti fortlöb'n,
 Sunnta, Mönnta frei,
 Mangel nit an Bag'n!"
 Unser G'setz stets sei.

Nürnberg's heiliger Geistspital.

Nürnberg is a graußa Stadt,
 Döi wou viel schöini Häuser hat,
 Und mäncha schöina Obstalt drin,
 Denn Nürnberg haut an ed'ln Sinn.

Dau woar vur etli hundert Joahr
 A Moh, der broav und wuhlhab'nd woar,
 Den füllt amaal wos Herrlis ei,
 Er sagt: „Es soll a Spitt'l sei!"

Und wal er haut die Bag'n g'hatt,
An Gôld und Reichthum woar gout satt,
Su haut der Moh an Zett'l g'schrieb'n
Und dau stäiht draf, wos er haut trieb'n.

A Mordstrumm Summa treibt er af
Und thout's nau in 'a Kistla draf;
Und wôi er haut die Ohzeig g'macht,
Dau hob'n die alt'n Stoder g'lacht.

Bald haut der Moh die Bauleut b'schtestt,
Er läßt sih's baua wôi's na g'fôllt;
Und nit lang stäiht dös Baua oh,
Su stäiht a prächtyer Spitt'l scho.

Wenn Ahner ôiz den Spittl sicht,
Nau gäiht na werkli af a Licht,
Er denkt: „Môcht wissen, wos bedeut,
Daf der grod über'n Wasser steiht.“

Deiz wenn's an Spitt'lmoh jôllt ei,
Er môcht vu dera Welt wed sei,
Nau stôrzt er sih in's Wasser noh,
Dös is dös Schnellst, wos er thou koh.

A Bärgeröfrau, a Bärgerömh,
Wou fahns nir mäiher schaff'n koh,
Döi kômma nei in Spitt'l werb'n —
Dau kônn'e's friebli löb'n bis schterb'n.

Natürli haut er doch bedacht,
Wôi er haut in sein G'schäftsbrôis g'sagt:
„A Jedes, dös in Spitt'l kummt,
Mouß ordnli sei und nit verlumpt.“

Und wer nit af is g'numma hoi,
 Der därf nit nei in Spitt'l göih;
 Die Alten: Wittwer, ledja Lent,
 Döi nehmt mer af zu jeder Zeit."

Wenn Ahner ka Frau nemmer haut
 Und gäiht na ah nit herzli gout,
 Und is vun hoi a Bärgeremoh,
 Der nit viel mäiher leist'n koh,

Nau tracht er in den Spitt'l nei,
 Wal er dau drin versorgt möcht sei,
 Wal er Loschie und Schlauf'n haut;
 Dau gäiht's den alt'n Moh nau gout.

Er kröigt sei orndlis Fröihstück z'Fröih,
 Z'Mittog sei G'möis, a gouta Bröih,
 Sei Fleisch und glei sein G'ßwerkzeug,
 Mer mahnt, er wär in Himmelreich.

A Jedes kröigt sei Tasch'ngölb,
 Damit an doch dö's Lëb'n ah g'föllt;
 Korz — wos mer Alles braucht zur Rauth,
 Zun Unterhalt — sei täglis Braud.

Geschwägigkeit der Weiber.

1. Es kummt a Frau zu meiner Bos;
 Sie is öiz nit derham!
 Drunt af der Gass' ba anra Frau
 Dau schmarrt's an Bündl z'samm.
 Sie pappert hie, sie pappert her,
 Als wenn a Reichsroathsitzung wär.

2. Wou is die Mad? Echo lang is fort,
 Sie is no a'm Mark,
 Dau stäiht sie banra ewig'n Patjch;
 Dös is a Biela stark!
 Sie schmarrt vun dau, sie gähtscht vun dort,
 Und dös gäiht g'schmiert in an Trumm fort.

3. Wenn doch derham mei Moutter wär!"
 Su sagt a klaner Vou,
 „Ih kohn ðis in mein Stub'n nit nei,
 Es kummt halt nit derzou.“
 Draus vur der Stadt ba anra Vos
 Dau schnattert's fort, als wöi a Gos.

4. A Moh schaut af die Uhr und sagt:
 „Af Zwölfa gäiht's ðis scho;
 Möcht wiß'n, wou mei Frau rumlöfft,
 Schürt nit zun Eß'n oh.“
 Und ðei is banra Freundi g'west,
 Haut gähtscht und g'schmarrt aj's Allerbest.

5. A Frau kiehrt alli Tog ihr Gass'
 Zwa bis drei Stund'n lang,
 Und wemmer nauch'n Patjch'n fraugt,
 Haut sie in erscht'n Rang.
 Si schmarrt derwo vun Wäih und Wuhl,
 Ih glab a ganza Bib'l vull.

6. Und wos der Eifer haut für Folg'n,
 Dös kröigt mer tögli raus,
 Und doch ka Teif'l und ka Höll
 Dös treibet's ihnen aus;

Dös liegt amoal in weibli'n G'schlecht:
 „Fest patſch'n und viel plaudern“ recht.

7. An Weisbild flöigt die Tab'n dervo,
 Wal's patſcht und plaudert haut;
 A Hund der haut dös Fleisch derwiſcht
 Und läßt ſih's ſchmeck'n gout;
 Und ſu paſſöirt nu mäiher Woar,
 Und oft dös gräißte Unglück goar.

Der Zuſtand des Geſellenthums und ein guter Rath für daſſelbe.

Alli G'jell'n af unſrer Erd',
 Alli G'jell'n und G'jella,
 Wollt ihr hob'n a weng an Werth
 Und a Wohlgeſölla
 Ba die Maſter, ba die Leut,
 Döi mit euch verkäihern,
 Seid fa Huphie, ſeid doch g'scheidt,
 Halt euch dan in Äihern.

Kummt ihr zu an Maſter hie,
 Reich'n oder arma,
 Sagt nit: „Maſter, häiern Eie,“
 Soll ſih Gott erbarma!
 „Maſter, no, woſ zöhl'n's mer denn,
 Wenn ih öis dan ärbet;
 Wöißt ih denn vergöit'n woſ,
 Wenn ih woſ verdärbet?

Und dös Bett, dös is doch gout,
 Allerbeſter Maſter,

Geb'n Sie G'sellna Kost und Braud,
 Cigarr'n und Kanaster?
 Kröig ih doch die Kerbet schöi,
 Kohn ih viel verdröina;
 Zohl'n Sie doch die Samsta aus,
 Is dös Zohl'n in G'öihna?

Trögt's doch ah a Trinkgölb eih,
 Daß ih ärbet lusti;
 Is zun G'nöiß'n der Kaffee?
 Af a G'schwanki houft ih!
 Gell, der Jung der langt mer zou,
 Wenn ih Eppes brauchet?
 Gell, dau lauß'n's miß in Reuh,
 Wenn ih eppet rauchet?" —

Trött ihr ba an Master eih,
 Thöt ner dös nit buld'n,
 Daß ihr wollt an Burschuß gleich
 Und gleich neuu Schuld'n.
 Gählt dös G'schäft a Wisla stöt,
 Seid nau nit hoabsichti,
 Wal's in Master ärgern thöt,
 Denn sei Sorg is tüchti.

Ober wenn's is recht pressant,
 Seid ner nau nit trahmet,
 Schaut nit nauch die Krauha rum,
 Daß er viel versahmet! —
 Alles, wos ih dau g'sagt hoh,
 Nehmt euch sei zu Herz'n;
 Mahnt ihr, euer Master koh
 Lauff'n mit siß scherz'n?

Doch allah, ih waß goar gout
 Bun euch G'sell'n ba Master,
 Ihr befolgt kan gout'n Rauth —
 Af die Lump'n paßt er.
 Jeder thout dös frali nit,
 Denn sunst wär'n's all Teif'l;
 Daß die meist'n doch su senn,
 Glab ih ohna Zweif'l.

Der geprellte Bauer.

A Moh sitzt in der Wörthschaft drin,
 A Woagneremaster höi;
 Die Aerbet kummt na ass'n Sinn,
 Sahst sechs Mauß brauna Bröih.

Diß ober haut er nemmer könn,
 Es fällt na grod wos ei,
 Und gleich haut er in Rück'n g'wendt;
 Es mouß wos V'junders sei.

Mit fest'n Schritt, in Kupf ganz dumm,
 Löffet er die Gass'n noh,
 Er schaut sih aj'm Hülzmark um,
 Ob er a Hülz hob'n koh.

A Bauer stäiht an Ed su dort
 Mit an hübsch grauß'n Wog'n,
 Mer sichts ners oh, er möcht gern fort —
 „A schöins Hülz!“ mou mer sog'n.

Der Master fraugt: „Wos kost dèi Fouhr?“
 Der Bauer sagt ners gleich.
 Der Master sagt: „Su foahr er miet,
 Ih laufß dös Hand'ln sei.“ —

Dis gäiht der Treß die Gass'n fort
 Und in a Gäßla nei,
 Und in an Huf, tau is der Dart,
 Dau lenkt dös Fuhrwerk ei.

Der Woagner, der gäiht neber'n Wog'n,
 Kummt endli zun Verstand —
 Wos kohn der Mensch vur Dummheit sog'n,
 Haut er a weng an Brand? —

Der Moh, der haut dös Bistla Hutz
 Um's Dritt'l z'theuer kauft,
 Er murmelt fort: „Der Teif'l hul's!“ —
 An Rauth haut er gleich g'schafft. —

Aj dera Seit'n, wou der Wog'n
 In Huf nei g'rump't is,
 Dan is dersell nu übri's weit
 Für su ah Fuhrwerk g'wieß.

Und aff die ander Gass'n naus
 Dau is er schreckli eng,
 Dau kummt verdammt fa Fuhrwerk raus,
 Is nu su fla und weng.

Dös waß der Woagnersmaster gnau,
 Er denkt: „Dös gitt an Schpaß!“
 Der Bauer haut sih nix vermouthe,
 Wal er vun dau nix waß.

Der Woagner lößt es Hüßla durch —
 Der Bauer führt na nauch;
 Mir mahnet halt, as Durchfoahr'n dau
 Dös machet goar ka Plaug.

Der Master haut döch Luch derwischt,
 Reit in a Wörthshaus nei
 Und denkt: „Den Bauern mit sein Hulz,
 Den brenn ih tüchti ei!“ —

Der Bauer flucht vur lauter Zurn,
 Er kohn nit weiter foahr'n;
 Dös is a schöina Mausfall'n wur'n,
 Der haut na broacht in's Goarn.

Er schaut sih nauch sein Käufer um
 Und kohn na närgets sög'n,
 Und wöi er nu sein Wog'n z'ruckschöibt,
 Mouß raus a Dunnerrog'n.

Der Bauer haut sein Unverstand
 Ba dera G'schicht probirt;
 Der Woagner haut sein dumma Strach
 Mit g'scheid'n Schpaß furirt. —

Der Werth des Bieres.

Goar Bieli trink'ns Böier gärn
 Vur Alles in der Welt;
 Thöt's wöi der Wei su theier wär'n,
 Es wäret Böier b'schtellt.



Sie sog'n, dös Böier hilft für Durst,
Macht stark und kräfti ah,
Dich wärd mer, wöl a Läberwurst,
Vun Kupf bis af die Bah.

Diz ober sog ih ah wos drei,
Es waß jo jeder Moh:
„As Böier mouß vun Gerscht'n sei
Und kummt a Hopf'n dro.

Die Gerscht'n werd ohg'sud'n schöi,
Nau bleib'n die Trüber z'rück;
Dös gout Produkt is blaus a Bröih,
Die Trüber seun ner dick.

Der Hopf'n macht's blaus dauerhaft,
Und geisti, schöi und gout,
Und oft werd nu wos drunter fass,
Dös wou in Teis'l haut.“

Die Gerscht'n, wöi's der Pfoagner haut,
Döi secht sih herrli sei,
Z'moal wenn a Fleisch drin sied'n thout,
Könnt's goar nit besser sei.

Wer as der Gerscht'n will wos hob'n
Und is dau draf verpicht,
Der mouß a Gerscht'nsupp'n lob'n,
Is er ka schlechter Wicht.

Und daß döi kräfti, g'sund sei thout,
Dös is a woahra G'sicht —
Dau werd an nit die Ros'n rauth,
Kröigt ka versuff'ns G'sicht.

Ba Den sie joa der Durscht stellt ei,
 Der nehm in Wassertroug;
 Dös werd nau wuhl as Wohlfeilst sei,
 Er kohn sih saf'n gnoug.

Wunsch zum neuen Jahr 1864.

As neue Jaucher is bix bau,
 Und Jedes dank sein Herrn;
 A' Jedes is des Lööb'ns frauh,
 Schaut in die Zukunft gern.

Allah in d'Zukunft blick'n nei,
 Dös könnt viel leichter sei,
 Wär' ner die Menschheit nit su frei,
 Nit su vull Teiselei.

Und wär'n die ober'n Spiz'n recht,
 Schöi rechtli, broav und gout,
 Und hielt'n nit für Stief'lknecht
 As Volk, wenn's broav sei thout.

O wenn ner doch a Aussicht wär
 In unsern deutsch'n Reich!
 A anigs Deutschland schaff doch her,
 Herr Gott! af's Jaucher gleich!

Welch göttlis Lööb'n in unsern Land,
 Zun Muster aller Welt,
 Wenn Rahner um an laus'n Land
 Sein Nöb'nmenich'n prellt;

Wenn Jedes af sein Nächst'n schaut
Und soucht ner blaus sei Glück,
Wenn af an rechtlin Grund Jeb's baut.
Haut Schlechtigkeit'n dia. —

Wenn widder bricht a Zauher oh,
Nau möcht' ih könna sog'n:
„In unsern deutsch'n Boaterland
Kohn Rahns öis mäiher flog'n.

Es erefirt a deutsch'a Macht
Zu Land als wöi zu See,
Als Boaterland is glückli g'macht;
Welch Glück als deutsch! Ruhe!"

Die Brille in der Bibel.

Für a Bib'lg'sellschaft
Sammelt ei a Moß
Frei milbi Beitrög,
Wos er astreib'n koh.

Wöi er su dau wandert,
Kummt er in a Haus,
Zun ra alt'n Wittfrau,
Bitt a Echerfla aus.

Doch döi alta Schacht'l
Will halt goar nix geb'n,
Und in Ölbeisammeler
Is dös goar nit eb'n.

Und a Biela zorni
 Fängt er endli oh:
 „Döi haut g'wieß fa Bibl,
 Döi su häis sei koh.“

Und die Frau werd passli,
 Wöi der su wos sagt,
 Ah er sih versög'n haut,
 Haut's die Bib'l broacht.

„Moh, ih bin sei Christli,“
 Föngt's zun Schreia oh,
 „Ih lös in der Bib'l
 Immer, wenn ih koh.“

Ober öiß af amoal
 Föngt sie oh af's Neu,
 Und mit ihrer Psautsch'n
 Langt's in d'Bib'l nei:

„Ah! dau in der Bib'l
 Liegt mei Brill'n öiß drinn;
 Wou döi hie is kumma,
 Kummt mer nie in Sinn.“

Öiß is scho drei Zauher,
 Daß ih döi hob g'soucht,
 Hob mi viel scho g'ärgert
 Und scho drüber g'soucht.“

Nud der Moh, der packt sih
 Naus zur Thür und sagt:
 „Dös is ja a Fromma,
 Döi a su wos macht.“ —

Der furchtsame Bauernknecht.

A Bauer in an klana Dorf,
Der haut an dumma Knecht,
Der färght sih vur die G'schpönsfer arg
Und vur die Geister recht.

Den haut er g'schickt amoal in d'Stadt
Spöt an an Namittog;
Er soll dau drin a Gaulg'schärr hul'n,
Obgleich er nit gärn mog.

Der Knecht, der kummt zum Sattler hie
Und mouß dau wart'n lang,
Und wöi's a Bisla dunk'l werd,
Werd's ihn scho angst a bang.

Er glüht sein Wög, kummt vur die Stadt
Und in a Wäldla nei;
Als G'schärr haut scho a Schwer'n g'hatt
Und finster thout's scho sei.

Rahm is er in den Wäldla brinn,
Su kummt a schwarzer Moh —
Der Knecht kummt werkli ganz vu Sinn,
Löst in Carrör dervo.

Es werd na woarm, es werd na haaf,
Er werft sei Gaulg'schärr hie,
Und reit und schpringt sein Dörfla zou,
Als wöi a brennta Vieh.

Ditz wöi der Jagdhos is derham,
 Rösweiß und oathemlaus,
 Dau söngt er vum an Teisl oh,
 Dau is der Jammer grauß.

Er b'haupt, er haut in Teisl g'sög'n
 Leibhafti, vuller Graus;
 Der Bauer sagt: „No meinewög'n“
 Und lacht na tüchti aus.

Allah dös gäiht na doch nit ei,
 Daß der sei G'schärr werst wech,
 Für ihn thöt öis der Schod'n sei,
 Er derfet zohl'n döi Zech.

Jedoch scho z'Früh, in andern Tog,
 Dau kummt a schwarzer Moh,
 Der is grob noach'n Teisl'schlog;
 Söngt gleich zun Lach'n oh.

Er übergitt as Gaulg'schärr dau,
 Derzieht ah die ganz G'schicht;
 Der Bauer und der Knecht woar frauh,
 Daß dös su kummt an's Licht.

Schlautföger als a schwarzer Moh
 Und als a Teisl g'rühmt,
 Der trägt in Knecht halt, wos er koh;
 Bun Jed'n werd er g'schlimmt.

Der Knecht, der haut sih gleich versteckt
 Und haut sih tüchti g'schönt;
 Su is dermit nau doch bezweckt,
 Daß ihn ka Teisl grämt. —

O b l i g a t i o n .

Ih endesunterschrieb'ner Moh,
 Ih stell dau aus den Schei,
 Daß Rahner wos verlöiern koh,
 Und Rahns kohn sog'n wos drei.

Der Gläubiger Herr Thomas Prell,
 Der leiht mer doar öiß af der Stell
 Dreihundert Guld'n Silbergöld,
 Su wöi's an jed'n Mensch'n g'föllt;
 Und zwoar: Zwa Tauscher derf ih's hob'n
 Und fünf Prozent trögt's ei,
 Und künd der Ah in Schulb'ntrom,
 Su mou ih's hamzohl'n gleich.
 Su is der Schei af's Beste g'stellt;
 Es unterzeichn't sih

Michl Belt.

Döi Unterhandlung woar
 Zu Nürnberg, an Neujoahr
 1 8 6 4.



S c h l u ß .

Aller Dhsang der is schwer ;
Doch wemmer ihn haut g'macht,
Nau gäiht mer über's Mitt'Isüüch,
Und is dös ah vullbracht,
Nau kummt as löibe End ohg'rüdt ;
Eu gäiht's ba All'n her.

Inhalt.

	Seite
1. Aller Anfang ist schwer	2
2. Die appetitliche Mahlzeit. (Nürnb. Begebenh.)	3
3. Ein gelindes Abwaschwasser	4
4. Des Schusters Folter	6
5. Lied der Blaumontäglar	8
6. Nürnberger heiliger Geistspital	9
7. Geschwägigkeit der Weiber	11
8. Der Zustand des Gesellenthums und ein guter Rath für dasselbe	13
9. Der geprellte Bauer. (Nürnb. Begebenheit) .	15
10. Der Werth des Bieres	17
11. Wunsch zum neuen Jahr 1864	19
12. Die Brille in der Bibel (n. Winters Aufg.=Mag.)	20
13. Der furchtsame Bauernknecht (n. W. A.=M.) .	22
14. Obligation	24
15. Schluß	25



